



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Iesus à prætereuntibus & scribis est illusius. Articuli. LVI.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

VI
21

rum in Palestina, & ad modum chirotecarum, vel birretorum, vel cilicio-
rum opere textili & reticulato facta. Hanc fecit Maria mater eius in infan-
tia eius, quæ cum eo crevit: & de super contexta per totum, id est, ab extra de pan-
no aliquo per totum aliquid fuit appositum, ad eam magis fortificandam,
& conservandam. Dicit hoc loco D. Ioan. Chryl. Euangelista occultè vestis
vilitatem insinuat. In Palestina enim erat quoddam genus vestium propter
pauperes, ex multis pannis contextum, quasi vnus pannus super alium. Di-
xerunt ergo scilicet milites ad invicem: Non scindamus eam, sed sortiamur de illa,
tam sit, vt implere: vt scriptura, & quod dictum est per Prophetam, dicentem: Diuise-
runt vestimenta mea sibi, & super vestem meam miserunt sortem. Et milites quidem
has fecerunt: Et sedentes seruabant eum. Documentum habemus hic vesterue-
mus concordiam, vnitatem, & id ipsum velimus omnes, & non sint in no-
bis scismata. Nam tunica Domini inconsutilis vnitatem Ecclesie seu cuius-
cunque sanctæ congregationis significat. Ille ergo tunicam Domini scindit,
qui dissensiones facit, discordias seminat.

IESVS A PRÆTEREUNTIBVS ET
Scribis est illusiu. Articulus LVII.

Prætereuntes autem, blasphemabant eum, mouentes capita sua, & dicentes: Vah, Matth. 27.
qui destruis templum Dei, & in triduo illud reedificas, saluum fac te ipsum. Si Fi- Marc. 15.
lius Dei es descende nunc de cruce. Similiter & Principes sacerdotum deridebant Lucæ 23.
illum, illudentes ad alterutrum cum Scribis & Senioribus, & dicebant: Alios saluos Ioan. 19.
facis, seipsum non potes saluum facere? Si rex Israel est, descendat nunc de cruce vt vi-
deamus, & credamus ei. Se saluum faciat, si hic est Christus Dei electus. Confidit in
Deo, liberet eum nunc, si vult: Dixit enim quia Filius Dei sum. Illudebant autem ei &
milites, & dicentes: Si tu es rex Iudæorum, saluum te fac. Fraudulenter, vt dicit
Hieronymus, erant Iudæorum prædictæ promissiones, dicentium: descen-
dat de cruce, &c. Maiora enim miracula fecerat: quia plus est mortuos de se-
pulchro resurgere, quam viuum de cruce descendere. Christus autem mor-
tuos plures suscitauit, & ipse met de sepulchro tertia die resurrexit, nec ad-
huc crediderunt ei. Potestis hic cogitare, quam iniuriosum sit vel cui libet
morituro, vel ad mortem damnato illudere: quanto magis innocenti, &
quam maximè Christo Filio Dei. Cogitate quam dolorosum & vulnerati-
uum sit infirmo vel patienti, sibi in doloribus non credi, vel non compari
(hoc enim quandoq; doloribus corporalibus plus affligit) quanto magis, si
in doloribus etiam se consideret despici, vel iniuriari vel derideri? Maximè
verò si ab his sit, quorum causa, vel pro quibus calamitatem vel dolorè su-
stinet. Ad propositum: Christus Filius Dei innocens in se, ab his subsannaba-
tur, blasphemabatur, &c. quibus corpus & animã dederat, & quos seruabat,
pascibat, eorumq; infirmos curauit, predicauit, docuit, pro peccatis eorum, &
pro salute eorum patiebatur, pro errore ipsorum & cæcitate Patrem paulo
ante rogauerat, & adhuc illudunt & subsannant, persequentes eum lingua &
manibus. Monemur hic propter obtrectantium, vel deridentium linguas, a
cruce penitentia non recedere, & ab omni opere bono incepto non desiste-
re, sicut Christus non descendit, sed ad mortem vsque in cruce perseverauit.

IESVS AB ALTERO LATRONE BLASPHEMA-
tu est, & ab altero confessus. Articulus LVIII.

QQ 4 1D